


# Dienelkander



**Nuusbrief van die Gereformeerde Kerk Potchefstroom-Oos**

30 Oktober 2016

**OGGENDDIENS:** Ds. Karel

**Skriflesing:** Eksodus 3:11-17 en  
Eksodus 4:1-17

**Teks:** Eksodus 3:14

**Tema:** **As EK IS voor jou kom staan wanneer jy nie "is" nie.**

Wanneer ons kyk na geleenthede waar God voor mense in die Bybel kom staan het, is die lewe van Moses sekerlik een van die mees aangrypende dele. Ons weet dat Moses een van die min mense was wat God gesien het en met God gepraat het soos `n man met sy Vriend praat. Tog, toe God vir Moses die eerste keer geroep het om Sy opdrag uit te voer, het Moses allerhande verskonings of tekortkominge vir die Here genoem:

- Hy is nie belangrik genoeg nie;
- Hy is nie gesagvol genoeg nie;
- Hy is nie geloofwaardig genoeg nie;
- Hy is nie goed genoeg met woorde nie; en
- Hy is eintlik nie bereid om te gaan nie.

Wanneer Moses hierdie dinge opnoem konfronteer die Here vir Moses met Wie Hy is - Hy is "EK IS". God is die ewige, onveranderlike, oneindige, oral-teenwoordige, almagtige God van verhoudings en dit is Hy wat nie net vir Moses hierdie opdrag gee nie, maar ook aan hom `n besondere teken en belofte gee.

Hierdie selfde Here roep ook elkeen van ons om die Groot Opdrag en Groot Gebod uit te leef. Dikwels is ons verskonings vir hoekom ons dit

nie doen nie dieselfde as hierdie verskonings en tekortkominge wat Moses noem. Maar net soos met Moses gee "EK IS" ook aan ons `n besondere belofte. Kom ons ontdek vanoggend saam wat hierdie belofte is.

**Lofprysing**

Lied 284: 1, 2, 3

**Ontmoetingsdiens**

Intreelied Ps. 110-3: 1, 2; Votum; Seën;  
Loflied Ps. 33-2: 1, 2, 4; Geloofsbelydenis:  
NGB Artikel 8; Sing Sb. 12-3: 1, 2

**Verootmoedigingsdiens**

Wetlesing: 1 Johannes 4:7-21;  
Sing Ps. 86-2: 2, 3, 6; Gebed

**Woorddiens**

Skriflesing; Woordverkondiging

**Antwoorddiens**

Gebed; Liefdegawes; Gebed vir Bediening na Buite; Sing Lied 207: 1, 4, 5; Seën; Amenlied Sb. 13-3.

**GESAMENTLIKE HERVORMINGSDIENS:  
19:00**

Die jaarlikse gesamentlike Hervormingsdiens word vanaand gehou by die Geref. Kerk Cachet in die Sanlam Auditorium.

**MEELEWING**

- Dirk Lubbe (Groep 19 - 082 771 9245) se rugoperasie het goed afgeloop en hy sterk reeds tuis aan.
- Ben en Mari Steyn (Groep 27 - 082 850

1706) se swaer is skielik oorlede - ons dink aan hulle as familie.

- Willie Pieters (Groep 19 - 082 824 5144) het Vrydagoggend weer 'n oogoperasie ondergaan. Ons vertrou dat daar hierdie keer beterskap sal intree.
- Ds Koos du Plooy (Groep 1 - 082 455 5348) het 'n hartaanval gehad en is in Medi-Kliniek opgeneem vir behandeling.

**Ons bid dat die Here spoedig beterskap, herstel en troos sal gee.**

**ONS VRA VOORBIDDING VIR DIE VOLGENDE LIDMATE WAT SUKKEL MET SIEKTE OF SWAK GESONDHEID**

Srs Marianne Kruger, Bettie Ras, Janet vd Walt, Hester Buys, Anna Scholtz, brs. Isak vd Walt, Tjaart Snyman, Andy en Blossom Pretorius.

**ONDERSTEUNING VIR SIEKES**

Vir ondersteuning of besoeke deur die hospitaalbesoeke-diensgroep, skakel hierdie week vir: [siekes@oosdoppers.co.za](mailto:siekes@oosdoppers.co.za) of Louw en Magdaleen Venter ( 086 647 4369)

**EINDEKSAMENS VIR STUDENTE, Matrieks EN SKOLIERE**

Ons wens al ons skoliere, matrieks en studente sterkte toe met die aanvang van julle eindeksamens hierdie week. Ons bid julle sterkte en baie sukses toe. Sterkte ook aan die ouers wat hiermee intens saamleef!

**BAIE WELKOM AAN:**

Dries en Martie Schutte wat met attestaat van die Geref Kerk Uitschot aansluit. Hulle woon op plot 46, Wilgeboom (groep 28).

**AFKONDIGINGS**

**Vandag**

09:15 Gebedsgroep

09:30 Oggenddiens

Geen Kleuterbediening

Katkisasie: Muntlegging

Tee en Koffie

16:00 Kooroefening

19:00 Hervormingsdiens (Cachet) in die auditorium

**Dinsdag**

06:00 Manne ondersteuningsgroep

19:00 Sustersafsluiting (Potch-Oos)

**Donderdag**

18:15 Diakonie dagbestuur

**Volgende Sondag**

16:00 Diakonie vergadering en verslae inhandig

**VERJAARSDAE**

Baie geluk aan almal wat DV hierdie week verjaar!

**Sondag, 30 Oktober**

Jsr Elizka de Bruyn

Br Meyer Olivier 083 286 3242

**Maandag, 31 Oktober**

Sr. Mariëtta Basson 083 660 2917

Jbr Gerhard Turkstra 018 290 5566

**Donderdag, 3 November**

Br Frans du Preez 082 834 2120

**Vrydag, 4 November**

Jbr Carlo Kloppers

Br Krause vd Walt 082 788 5910

**Saterdag, 5 November**

Sr Christien Terblanche 082 821 3083

Sr Rolene vd Walt 082 859 6209

**ANDER AFKONDIGINGS**

- Liefdegawe vanoggend vir Barmhartigheid
- Gawe by die deure vanoggend vir Bybelverspreiding.
- Gawe volgende Sondag vir Bedieningshulp.
- Vrywillige bydrae vir voertuigsekuriteit in die bussies by die deure.
- Diensbeurte: Groep 33 en 34.

**KENNISGEWINGBORD**

- Frankfort Riviertoer - 30 Nov - 4 Des 2016
- Huizemark en Kansa teken-kompetisie
- Sprankel-tee - 11 Maart 2017 Dienssentrum vir Bejaardes

## FONDSINSAMELING VIR DIE SA BYBELGENOOTSAP VIR DIE VERVAARDIGING EN VERSPREIDING VAN BYBELS WÊRELDWYD



Ons herinner julle daaraan dat hierdie VANDAG met Hervormingsondag, afgesluit word. Dit is tradisioneel die dag waarop ons bydraes vir Bybelverspreiding afdra. Die pilhouertjies moet dan ingehandig word - maak seker joune is al vol R 5.00 munte!

### BID SAAM MET DIE BYBELGENOOTSAP

**Mexiko:** Bid dat dit vir ons moontlik sal wees om ons bevolking met die Woord te bereik. Bid dat die Here die werk van ons personeel sal lei en bid ook vir hulle veiligheid. Bid veral vir ons "Faith Cornes By Hearing-projek" en vir Bybelvertalingsprojekte in Purepecha, Tojolabal en Tumbala.

**Kanada:** Bid vir geleenthede om beide Engels- en Franssprekende jeug met die Bybel te bereik. Bid ook vir "About Life", 'n aanlyngemeenskap wat jongmense deur die gebruik van sosiale media en deur die Adventure for Life-Bybel wil help om op 'n gereelde basis by die Bybel betrokke te raak.

**Verenigde State van Amerika:** Loof die Here dat ons 200 jaar van Bybelwerk in hierdie land kon herdenk. Bid vir al ons vennootskappe om te verseker dat die Bybel in ons land beskikbaar is, maar ook om regoor die wêreld daarmee te kan help. Bid ook vir die "Ontdek die Bybelsentrum" wat ons beplan.

### KANSA-PROJEK

Liewe Gemeente

Ons is besig met ons KANSA-projek vir 2016 tot einde Oktober. Elke gesin behoort reeds 'n koevert te hê waarin julle bydraes gesit kan word. Vra gerus ook vir jou kollegas by die werk, familie en vriende. Kom ons poog om met hierdie projek die hele gesin te betrek. Dit is 'n instelling by ons Oosdoppers om jaarliks 'n mooi bedrag in te samel vir KANSA en ons vertrou dat ons dit weer hierdie jaar sal doen.

Plaas asb die koevertjie met bydrae in die kollekesakkie of in die kluis. Vir enige verder navrae praat gerus met Odelia Venter wat aan stuur staan van hierdie projek (083 290 1572).



### Silwer-muntlegging

**Kinders, vanoggend na die diens is ons groot silwer-muntlegging!**

**Kom pak jou geldstukkies saam met tannie Odelia uit!**

### HERVORMINGSDIENS SONDAG 30 OKTOBER

Hiermee word u almal vriendelik uitgenooi na die jaarlikse gesamentlike Hervormingsdiens by die Gereformeerde Kerk Cachet om 19:00 in die Ouditorium. Die prediker is prof. Chris van der Walt van die TSP.

### AMANDELBLOEISEL: AFSLUITING

'n Hartlike uitnodiging aan al ons Amandelbloeisels na u afsluitingsfunksie!

**Dat en tyd:** Saterdag, 5 November om 9:00

(Ons ontmoet mekaar by die Lodge)

**Plek:** Oudrift Riverside Lodge

**RSVP:** Voor Woensdag 2 Nov. By kerkkantoor of skryf jou naam op die lys in die Skuur.

### BEPROEWING

Ek deel net 'n tragiese beproewing met u. My niggie se dogter, Liesl, het verlede week geboorte geskenk aan 3 seuntjies. 2 seuntjies het dit nie gemaak nie - die 3de enetjie is dadelik in broeikas geplaas.

Twee dae later sterf die mamma, Liesl aan 'n aneurisme. Sy laat haar man en ook 'n dogtertjie buiten die baba agter. Sy was 40 jr oud. Sy het groot geword in die Geref. Kerk, Pinetown en was ook lank verbonde aan Sasol as chemiese ingenieur.

Here, ons sal eendag verstaan ....

Rina Snyman

### HARTLIKE DANK

Hartlike dank aan elke geliefde van ons gemeente wat my besoek het. Ek dank ons Vader vir al die liefde en omgee, ook vir ons

Amandelbloeisels vir die pragtige potplant en koekies. Met my verjaarsdag die heerlike beskuit en roos-ruikertjie. Ook ons hartlike dank aan die diakonie vir Vrydag-aand se heerlike en geurige spit-braai, kos en wonderlike saam kuier.

Ps. 51:17 "O Here gee my die woorde om U lof te besing".

Tannie Yda

## PROJEKTE

### MOOIRIVIER KERSMARK

25 Nov - 3 Des 2016

**Fokus saam met ons op ons mark, sodat ons dit suksesvol kan aanpak en voorbereid kan wees!**

**Slegs 3 Weke** oor voordat ons Kersmark afskop!

Liewe Gemeente, ons het werklik almal se hulp nodig.

#### Hulplyste

Hulplyste is vanaf vandag in die voorportaal waarop julle jul name skryf om ons te help. Dit is 'n wonderlike geleentheid, nie net om ons gawes in die gemeente aan te wend nie, maar ook om mekaar beter te leer ken. Onthou almal kan help!

#### Borge

Ons wil graag van die geleentheid gebruik maak om ook lidmate wat as borge optree te bedank:

*Moorivier Apteek, Dr Gerrit J v Rensburg, Walter Plotz, Dana Schutte, Dr. Gideon Scholtz Pierre en Wilma Viviers, Janus Earle en 2 anonieme lidmate.*

Lidmate wat borg met items/skenkings van produkte: *Gerhard Turkstra en Pierre Viviers.*

Ons huidige buite-borge is: *Moorivier Beskerming, Argo SA en 'n anonieme borg.*

Lidmate is welkom om vir Janus en Stephanie Earle te kontak om as borg op te tree. (082 564 6251 / 083 690 3404)

#### Bemaking

Hierdie 3 weke is bemakingstyd en ons benodig altyd hulp daarmee bv. plakkate opsit, vensterplakkate en pamflette te versprei asook elektronies te versprei ens. Praat met Kiewiet Scheppel hieroor indien jy kan en wil help!

#### Benodig

Ons benodig AA-batterye vir dekor. Skenkings (1 pakkie per gesin) sal baie waardeer word. Plaas dit asb in die boksie in die voorportaal van die kerk voor of op 6 November.

#### Leen

Ons wil graag weer lidmate vra om waaiers vir ons te leen – laat weet die kerkkantoor indien jy hiermee kan help asb.

#### BEROEPENUUS

**BEROEP ONTVANG:** Dr G van Wyk van Vanderbijlpark Trinitas na Rustenburg.

**BEROEP AANVAAR:** Proponent FG Lee (Hardus) na Derdepoort.

#### SOSIALE MEDIA VIR ONS GEMEENTE

**Webblad:** [www.oosdoppers.co.za](http://www.oosdoppers.co.za)

**Facebook:** [www.facebook.com/oosdoppers](http://www.facebook.com/oosdoppers)

Ons wil ook graag 'n vriendelike versoek rig dat u nie op die gemeente se elektroniese sms-stelsel terug antwoord nie, maar asseblief die kerkkantoor bel of 'n e-pos stuur, aangesien dit 'n rekenaar-sms is.

Karel se preke kan ook aanlyn besigtig word by <http://karelsteyn.blogspot.co.za/>

#### KONTAKBESONDERHEDE: PREDIKANTE & KANTOOR

Ds. Piet: 018 290 5635 / 082 779 1237

Ds. Karel: 018 294 3067 / 072 476 8794

Kerkkantoor: 018 290 7690

# Susters



## TEESKINKGELEENTHEID

Tee word **vandag** in die Skuur bedien onder die leiding van Anrie vd Schyff (Groep 4), Sonette Turkstra (Groep 5) en Groep 17.



**Volgende week** skink Groep 6, Riana Heystek (Groep 7) en Marian de Kock (Groep 20) tee.

Baie dankie aan die groepsusters en hulle groepe se susters en broers wat met die skink en opwas help! **Ons moedig susters en broers aan om te kom help met die skink en opwas - so leer ons mekaar en ons nuwe groepe beter ken!**

## SUSTERSBYDRAE

Die susters se fondse word verkry uit elke suster se vrywillige bydrae (R150 per jaar) en die fondse wat geïen word tydens fondsinsamelingsgeleenthede. Hierdie geld word gebruik om uit te reik na minderbevoorregtes en daar word jaarliks aan verskillende verdienstelike instansies, hoofsaaklik in Potchefstroom, donasies gegee.



## SUSTERS AFSLUITING: POTCH-OOS

Kom geniet 'n heerlike aand, Dinsdag **1 November om 18:30** by ons Skuur saam met Prof. Naas Ferreira en 'n ligte aandete.

## GESAMENTLIKE SUSTERS AFSLUITING

Die susters van Mooirivier nooi ons hartlik uit om saam met hulle die gesamentlike afsluiting te hou.

**Datum, tyd & plek: 8 November 18:30** vir 19:00 te Geref. Kerk,  
Potchefstroom Kerksaal

**Spreeker:** Prof. Hans du Plessis en sy Griekwa-Psalms

## BAIE dankie aan SPAR in Bailliepark!



Namens die Susters wil ons graag WEER vir Izzy en Isabel van die SPAR in Bailliepark van harte bedank vir hul ruim bydrae vir die 40 geskenkpakkies vir die Koningskinders van Potchefstroom. Dit is elke jaar vir ons so 'n plesier om hierdie projek saam aan te pak.

Ons (en ook die Koningskinders!) waardeer dit baie! Ons sien ook al julle ander hulp in die gemeenskap.

Namens die Susters-Koningskinderskomitee.

## NAGMAAL-ETE


Gemeente, Blok C se susters nooi almal hartlik uit na die Nagmaal-ete, Sondag 13 November. Koste R35 p/kop.

Spyskaart: Koue hoenderboudjies, frikadelle, aartappelslaai, meng- en ryslaai. Vrugeslaai en roomys vir nagereg.



## SUSTERS: KWARTAALPROGRAM

DATUM	DAG	TYD	WIE	WAT
01-Nov	Dinsdag	19:00	Blok B	Potch Sustersafsluiting
05-Nov	Saterdag	10:00	Bestuur en groepsusters	Amandelbloeisels afsluiting
13-Nov	Sondag	12:00	Blok C	Nagmaal-ete
25Nov-3Des	Sat - Sat	07:00 tot 20:00	Almal	Mooirivier Kersmark
27-Nov	Sondag	18:00	Almal	Kerssangdiens



## OOSDOPPERTJIE-NUUS



**Die Hervorming.** (“hervorming” beteken om iets na sy oorspronklike vorm terug te verander. Die mense wou die kerk verander soos dit in die Bybel gegee is.)

DIE Protestante Hervorming of Reformasie (1517–1648) was ’n groot Christelike hervormingsbeweging waarin baie Europeërs in opstand gekom het teen misbruike en dwaalleer van die magtige Rooms-Katolieke Kerk van destyds. Die Hervorming het in 1517 begin het toe die Duitse teoloog Martin Luther die sogenaamde 95 Stellinge geformuleer het.

Luther het hom verset teen die Roomse kerk wat gesê het dat mense van hul straf vir sondes vrygestel kon word deur pouslike “aflaatbriewe” te koop. In der waarheid is die geld eenvoudig gebruik om die geldkoffers van die pous in Rome aan te vul.

Vir Luther was dit baie verkeerd omdat hy geglo het (soos die Bybel ons leer) dat sondevergifnis slegs van God kan kom. Daarom het hy sy 95 Stellinge (standpunte van protes) op 31 Oktober 1517 teen die deur van die slotkapel in Wittenberg vasgespyker. Dit is waarom ons elke jaar op die laaste Sondag van Oktober “Hervormingsondag” vier. Uit hierdie protes het die Gereformeerde Kerke tot stand gekom wat weer kerk wou wees soos die Here ons leer. Hieroor moet ons baie dankbaar en bly wees.

**Dankie aan ons borg van die week!**

# HUIZEMARK

## EIENDOMSAGENTSKAP

**ONS HET VOORDUREND POSTE BESIKBAAR  
VIR AGENTE EN BEMARKERS**

**ONS DOEN :**  
Verkope & Verhurings  
\* Huise, \* Woonstelle,  
\* Meenthuise,  
\* Besigheidsperssele,  
\* Plase, \* Plotte



**VIR ALLE  
EIENDOMSBEHOEFTES  
SKAKEL**  
**Rolene vd Walt**  
082 859 6209  
**Linda Nolte**  
082 785 3951